

Broj: 05-02-2-355-2/20
Sarajevo, 19.08.2020. godine

**FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA
n/r sekretara, Izmir Hažiabdić**



PREDMET: Odgovor na zastupničku inicijativu Ilić Slađana i Stojanović Igora, dostavlja se

VEZA: - akt Vlade Federacije Bosne i Hercegovine broj: 03-11-977/20 od 10.08.2020. god.;

- akt Doma naroda Parlamenta Federacije Bosne i Hercegovine broj: 05/2-02-1413/20 od 30.07.2020. godine.

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu zastupnika u Domu naroda Parlamenta Federacije Bosne i Hercegovine Ilić Slađana i Stojanović Igora, broj i datum navedeni u vezi, zajednički pokrenutu na osnovu člana 10. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09), a kojom se od Vlade Federacije Bosne i Hercegovine traži „da hitno obezbjedi potrebna sredstva... kako bi Sportsko-kulturno-privredni centar Mejdan u Tuzli što prije bio u funkciji...“, a koji je dana 24.07.2020. godine, tokom olujnog nevremena i zbog ogromne količine padavina i bujičnih voda, poplavljen i koji je pretpio najveće štete.

Vezano za nadležnost FUCZ i Federalne komisije za procjenu štete, kao radnog tijela Vlade Federacije Bosne i Hercegovine koje prati, usmjerava i vrši nadzor nad radom kantonalnih, odnosno općinskih/gradskih komisija za procjenu štete, obavještavamo Vas da štete, nastale djelovanjem prirodne nesreće, evidentiraju i procjenjuju općinske/gradske komisije za procjenu štete u rokovima utvrđenim u Uredbi o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", 75/04, 38/06, 52/09, 56/09 i 36/14-u daljem tekstu: Uredba).

Štete se procjenjuju na svim oštećenim i uništenim materijalnim dobrima (pod materijalnim dobrima podrazumijevaju se materijalna dobra iz člana 6. prethodno navedene Uredbe), na osnovu podnesene prijave o šteti, a koju u skladu sa članom 11. stav 6. Uredbe o izmjenama i dopunama Uredbe o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", broj 52/09) službi civilne zaštite općine mogu podnijeti i pravna lica, državni organi i građani koji su pretrpjeli određenu štetu.

contingent l'essai
référencé l'essai référant
ADDITION THERMOMETRE
V31 A 2 A 8

130-1 []		
Accordéon	0.018	0.000002

Nadalje, Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", br. 60/06, 8/10 i 21/14 u daljem tekstu: Odluka), regulisana su sva pitanja koja se odnose na rokove, uslove i postupak traženja i dodjele pomoći općinama i kantonima od strane Federacije Bosne i Hercegovine za štete koje nastanu djelovanjem prirodne i druge nesreće.

Takođe, odredbom tačke IV stav 2. Odluke, utvrđeni su uslovi kada se pomoć može tražiti iz sredstava Federacije Bosne i Hercegovine i određena je procedura za podnošenje zahtjeva. Zahtjev za dodjelu pomoći, općina/grad prvo traži od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine/grada ili je dodijelila samo dio tražene pomoći, u tom slučaju vlada kantona zahtjev općine/grada dostavlja Vladi Federacije Bosne i Hercegovine, odnosno Federalnom štabu civilne zaštite putem Federalne uprave civilne zaštite.

S poštovanjem.



Dostaviti:

- Naslovu,
2. Vlada Federacije Bosne i Hercegovine, na znanje,
3. a/a

